

名
医
医
案
精
华



★本书由远中子制作珍藏★

内 容 提 要

医案是前人治病纪录，有理论、有法则、有方药、充分表现了医生在临床时如何掌握治疗规律，进行独立思考和灵活运用。不仅初学者作为参考，富有指导性和启发性，就是一般开业医师也可通过各家医案不断地提高业务水平。

本书从清代名医叶天士、薛生白、吴鞠通等 20 位的医案中选取了 2069 条，包括常见病和疑难杂症，类别详明，文字浅显通俗，切合于实际应用。

吳鞠通醫案精華

上海秦伯未編纂

暑溫

世人悉以羌防柴葛治四時雜感。竟謂天地有冬而無夏。不亦冤哉。以致暑邪不解。深入血分。成厥。衄血不止。夜間煩躁。勢已膠固難解。焉得速功。

飛滑石 犀角 冬桑葉 羚羊角 元參 鮮蘆根 細生地 丹皮 鮮荷葉邊 杏仁泥

小便短而赤甚。微咳。面微赤。尺脈仍有勁數之象。議甘潤益下。以治虛熱。少佐苦味。以治不盡之實邪。且甘苦合化陰氣而利小便也。按甘苦合化陰氣利小便法。舉世不知。在溫熱門中。誠爲利小便之上上妙法。蓋熱傷陰液。小便無由而生。故以甘潤益水之源。小腸火腑。非苦不通。爲邪熱所阻。故以苦藥瀉小腸而退邪熱。甘得苦則不呆滯。苦得甘則不剛燥。合而成功也。

生鱉甲 元參 麥冬 生白芍 沙參 麻仁 古勇連 阿膠 丹皮 炙甘草

暑溫。舌苔滿佈。色微黃。脈洪弦而剛甚。左反大於右。不渴。初起卽現此等脈症。恐下焦精血之熱。遠甚於上焦氣分之熱也。且舊有血溢。故手心熱。又甚於手背。究竟初起。且清上焦。然不可不心知所以然。

連翹 細生地 粉丹皮 銀花 苦桔梗 白茅根 麥冬 牛蒡子 香豆豉 薄荷

元參 霍香梗 生甘草

向有失血。又屆暑病之後。五心發熱。法當補陰。以配陽。但脈雙弦而細。不惟陰不充足。卽眞陽亦未見其旺也。議二甲復脈湯。仍用舊有之桂枝薑棗。

白芍 大生地 沙參 桂枝 生鱉甲 麥冬 麻仁 生牡蠣 生薑 阿膠 炙甘草

大棗

暑熱。本易傷陰。誤用消導攻伐。重傷陰氣。致令頭中耳中鳴無止時。此係肝風內動。若不急救肝腎之陰。痙癇熱厥立至矣。

大生地 麥冬 生牡蠣 炒白芍 丹皮 菊花炭 生鱉甲 桑葉 炙甘草 火麻仁

頭痛。左關獨高。責之少陽內風掀動。最有損一目之弊。若以爲外感寒則遠甚矣。議清少陽膽絡法。再此症除左關獨高。餘脈皆緩。所謂通體皆寒。一隅偏熱。故先清一隅之熱。金匱爲先治新病。病當後治也。

羚羊角 丹皮 茶菊花 苦桔梗 生甘草 薄荷 刺蒺藜 桑葉 鮮荷葉 鉤藤鉤

又 前日左關獨浮而弦。係少陽頭痛。因暑而發。用清膽絡法。茲左關已平。其半但緩甚。舌苔白厚而滑。胸中痞悶。暑中之熱已解。而溼尙存也。議先宣上焦氣分之濕。

生苡仁 飛滑石 霍香梗 杏仁泥 半夏 廣鬱金 旋覆花 廣皮 白通草 茯苓皮
白蔻仁

六脈洪大之極。左手更甚。目邪視。怒氣可畏。兩臂兩手捲曲而痠癱。舌邪向不語三四日。面赤身熱。舌苔中黃邊白。暑入心包膽絡。以清心膽之邪爲要。先與紫雪丹。

連翹 羚羊角 竹茹 金銀花 蓮羅犀角 丹皮 麥冬 細生地 桑葉 天冬 鮮荷葉
暑溫誤表。致有譫語。邪侵心包。熱重面赤。脈洪數。手太陰症爲多。宜辛涼
芳香。以清肺熱。開心包。陽有汗。陰無汗。及頸而還。極大症也。

生石膏 連翹 丹皮 飛滑石 銀花 桑葉 細生地 知母 甘草 苦桔梗

暑兼濕熱。暑溫不比春溫之但熱無濕。可用酸甘化溫。鹹以補腎等法。且
無形無質之熱邪。每借有形有質之濕邪。以爲附依。此症一月有餘。僉用大劑
純柔補陰退熱法。熱總未減。而中宮痞塞。得食則痛脹。非抹不可。顯係暑中之
濕邪。蟠踞不解。再得柔膩膠固之陰藥。與邪相搏。業已喘滿。勢甚重大。勉與通
宣三焦法。仍以肺氣爲主。蓋肺主化氣。氣化則濕熱俱化。六脈弦細而沈洪。

苡仁 生石膏 厚朴 杏仁 雲苓皮 青蒿 連翹 藿香梗 白蔻 銀花 鮮荷葉邊

暑濕誤用陰柔藥。致月餘熱不退。胸膈痞悶。前與通宣三焦。今日熱減。脈
亦減。但痞滿如故。喘仍未定。舌有白苔。猶爲棘手。

生石膏 厚朴 藿香梗 飛滑石 連翹 小枳實 雲苓皮 廣皮 白蔻仁 生苡仁

□ 溼 溫

證似溫熱。但心下兩脇俱脹。舌白。渴不多飲。嘔惡噯氣。則非溫熱而從溼溫例矣。用生姜瀉心湯之苦辛通降法。

茯苓塊 生姜 古勇連 生苡仁 半夏 炒黃芩 生香附 乾姜

面赤目赤。舌苔滿佈。至重之溫熱病。脈反緩而弦。外熱反不盛。口反不渴。肢微厥。所謂陽症陰脈。乃本身陽氣不能十分充滿。不肯化解耳。茲與化邪法。

廣鬱金 杏仁 藿香 苦桔梗 荊芥穗 連翹心 銀花 青蒿 香豆豉

六脈弦細而勁。陰寒證脈也。咳嗽稀痰。陰濕咳也。舌苔刮白而滑。陰舌苔也。嘔吐泄瀉。陰濕症也。雖發熱。汗出而解。乃濕中兼風。病名濕溫。天下有如是之陰虛症乎。

茯苓塊 桂枝 炒白芍 姜半夏 於朮 廣皮炭 生苡仁 澤瀉 生姜汁

又痰飲兼風。誤治成壞症。前用溫平逐飲除風。諸惡症俱減。惟寒少熱多。熱後汗出未除。現在面赤口渴。暮夜譫語。有風化熱之象。但六脈尚弦。未盡轉陽也。再咳嗽則胸脇小腹俱微痛。又有金木相剋之象。

桂枝 生石膏 青蒿 半夏 茯苓塊 生薑 杏仁 焦白芍 大棗 豬苓 炙甘草

六脈俱弦而細。左手沈取數而有力。面色淡黃。目白睛黃。自春分午後身熱。至今不愈。曾經大瀉後。身軟不渴。現在雖不泄瀉。大便久未成條。午前小便清。午後小便赤濁。與濕中生熱之苦辛寒法。

飛滑石 茵陳 蒼朮炭 雲苓皮 杏仁 晚蠶沙 生苡仁 黃芩 白通草 海金沙

小川連

燥症

感受燥金之氣。腹痛泄瀉嘔吐。現在泄瀉雖止。而嘔不能食。腹痛仍然。舌苔白滑。肉色刮白。宜急溫之。兼與行太陰之溼。

雲苓塊 吳萸 川椒炭 姜半夏 良姜 益智仁 生苡仁 廣皮 公丁香

燥金感後。所傷者陽氣。何得以大劑熱地補陰。久久補之。胃陽困頓。無怪乎不能食而嘔矣。六脈弦緊。豈不知脈雙弦者寒乎。

半夏 雲苓塊 廣皮 苡仁 川椒炭 生姜 乾姜 公丁香

胃痛脇痛。或嘔酸水。多年不愈。現在六脈弦緊。皆起初感受燥金之氣。金來克木。木受病。未有不克土者。土受病之由來。則自金始也。此等由外感而延及內傷者。自唐以後無聞焉。議變胃而不受胃變法。即用火以克金也。又久病治絡法。

雲苓 生苡仁 枳實 半夏 川椒炭 生姜 廣皮 公丁香

感受燥金之氣。陽明之上。中見太陰。胸痛脇痛。腹脹泄瀉。飲咳。皆太陰病也。誤服寒涼。勢已重大。勉與開太陽闔陽明法。

雲茯苓 豬苓 厚朴 姜半夏 澤瀉 乾薑 桂枝 川椒炭 廣皮 廣木香

六脈陽微之極。弦細而緊。內而飲聚。外而癰痛。兼之肉苛。飲食減少。得食嘔。乃內傷生冷。外感燥金之氣而然。以急救三焦之陽。與陽明之陽爲要。

桂枝 薑半夏 乾薑 降香 雲苓塊 苡仁 吳萸 川椒炭 廣皮 薤白 公丁香 生薑

燥金克木。連少腹久痛不休。腿腳俱痛。兼有溢飲。與陽明從中治法。

薑半夏 雲苓 淡吳萸 川椒炭 益智仁 良薑 公丁香 廣皮

■ 瘧疾

但寒不熱。似乎牝瘧。然渴甚。皮膚捫之亦熱。乃伏暑內發。新涼外加。熱未透出之故。仍用苦辛寒法。加以升提。

飛滑石 花粉 藿香葉 杏仁泥 知母 廣鬱金 生苡仁 青蒿 白蔻仁 老厚朴

黃芩

妊娠七月。每日午後先寒後熱。到戌時微汗而解。已近十日。此上年伏暑

成瘧。由初春升發之氣而發。病在少陽。與小柴胡法。

柴胡 姜半夏 生姜 人參 炙甘草 大棗 黃芩

體厚本有小腸寒溼。糞後便血。舌苔灰白而厚。中黑滑。嘔惡不食。但寒不熱。此濕瘧也。與却法。

茯苓塊 生草果 熟附子 生蒼朮 杏仁 檳榔 黃芩炭 生苡仁

脈雙弦。伏暑成瘧。間三日一至。舌苔白滑。熱多陰少。十月之久不止。邪已深入。急難速出。且與通宣三焦。使邪有出路。勿得驟補。

雲苓皮 知母 杏仁泥 生苡仁 炒黃芩 青蒿 藿香梗 姜半夏 白蔻仁

傷寒

昨服開肺與大腸痺法。濕滯已下。小便亦清。身熱已退。但大便與痰中微有血跡。症從寒濕化熱而來。未便即用柔藥以清血分。今日且與宣行腑腸。右脈仍見數大。可加苦藥。如明日血分未清。再清血分未遲。

飛滑石 半夏 生苡仁 杏仁泥 厚朴 黃柏炭 黃芩炭 廣皮 細蘇梗

中風漏汗。兼之腎水上凌心。心悸腹痛。昨用桂枝加附子湯。諸症悉退。今左脈沈緩。右脈滑數。表雖清而濁陰未退。議苓桂伐腎邪。歸苖溫衝脈。吳萸半夏生薑兩和肝胃。白芍以收陰氣。合桂枝而調營衛。加黃芩一以清風化之熱。合諸藥爲苦辛通法。此外感之餘。兼有下焦裏症之治法也。

茯苓塊 桂枝 淡吳萸 薑半夏 青皮 全當歸 小茴香 生薑 黃芩炭 焦白芍

脈緩。濁陰久踞。兼有滯物續下。用藥仍不外苦辛通法。稍加推蕩之品。因其勢而利導之。大意通補陽明之陽。正以驅濁陰之陰。若其人陽明本旺。胃陰自能下降。六腑通調。濁陰何以能舉。再胃旺自能坐鎮中州。濁陰何能越胃而上攻心下。反覆推求。病情自現。

桂枝尖 厚朴 焦白芍 茯苓塊 青皮 小枳實 淡吳萸 烏藥 廣木香 小茴香

廣皮 黃芩炭 川棟子

凡痛脹滯下。必用苦辛通降。兼護陽明。固不待言。前法業已見效。細詢病情。已十有餘年。以半產後得之。誤用壅補而成。按久病在絡。再痛脹偏左。下至少腹。扳着其中。必有瘀滯。非純用湯藥所能成功。蓋湯者蕩也。滌蕩腸胃。通和百脈。固其所長。至於細雕密鏤。緩行攻絡。是其所短。非兼用化癥回生丹。緩通不可。且湯劑過重。有痕散爲蟲之虞。不得不思患預防也。

桂枝尖 半夏 廣木香 炒白芍 厚朴 地榆炭 降香末 紅花 炒桃仁 川棟子

小茴香 廣鬱金 全當歸 烏藥 兩頭尖 黃芩炭 黃連 廣皮 甘瀾水煎

今年風木司天。現在寒水客氣。故時近初夏。猶有太陽中風之症。按太陽中風。係傷寒門中第一關。最忌誤下。時人不讀晉唐以上之書。故不識症之所由來。仲景謂太陽至五六日。太陽症不罷者。仍從太陽驅去。宜桂枝湯。現在頭與身仍微痛。既身熱而又仍惡風寒。的是太陽未罷。理宜用桂枝湯。但其人素有濕熱。不喜甘。又有微咳。議於桂枝湯內去甘藥。加辛燥服。如桂枝湯法。

桂枝 半夏 廣皮 白芍 杏仁

太陽中風誤下。前日先與解外。昨日太陽症罷。卽瀉胸痞。今日胸痞解。惟自利不渴。舌灰白。脈沈數。經謂自利不渴者。屬太陰也。太陰宜溫。但理中之人。參甘草恐不合拍。議用其法而不用其方。

茯苓 蒼朮炭 乾姜 半夏 廣皮炭 生姜

太陽中風。先與解外。外解已。卽與瀉誤下之胸痞。痞解而現自利不渴之太陰症。今日口不渴而利止。是由陰出陽也。脈亦頓小其半。古云。脈小則病退。但仍沈數。身猶熱而氣粗不寐。陷下之餘邪不淨。仲景傷寒論。謂真陰已虛。陽邪尙盛之不寐。用阿膠雞子黃湯。按此湯重用黃芩黃連。議用甘草瀉心法。

半夏 黃芩 生姜 雲苓 川連 大棗 甘草

又脈沈數。陰經熱。陽經不熱。是陷下之餘邪在裏也。氣不伸而噦。噦者傷寒門中之大忌也。皆誤下之故。議少用丁香柿蒂湯法。加黃連以徹裏熱。疏逆氣。

公丁香 黃芩 柿蒂 真川連 廣皮 薑汁

又誤下成胸痞自利。兩用瀉心。胸痞自利俱止。但陷下之邪。與受傷之胃氣。搏而成噦。昨用丁香柿蒂湯。去人參。加芩連。方雖易。仍不外仲景先師苦辛通降之法。病者畏而不服。今日噦不止。而左脈加進。勉與仲景噦門中之橘皮竹茹湯。其力量減前方數等矣。所以如此用者。病多一日。則氣虛一日。仲景於小柴胡湯中。即用人參。況誤下中虛者乎。

廣皮 半夏 生姜 竹茹 炙甘草 人參 大棗

又誤下之陷症。噦而喘。昨連與金匱橘皮竹茹湯。一面補中。一面宣邪。茲已邪潰。諸惡候如失。脈亦漸平。但其人宗氣受傷。不淺。議與小建中湯。加橘皮半夏。小小建立中氣。調和營衛。兼宣胃陽。令能進食安眠。

焦白芍 桂枝 生姜 新會皮 半夏 大棗 炙甘草 膠飴

太陽中風。耽延五日不解。衝氣上動。宛若奔豚。腹滿泄瀉而渴。兼有少陰

症矣。兩層兩感。太陽少陽並見。一兩感也。其人積怒內傷。又加外感。此二兩感也。可畏之至。且先伐其衝氣。

桂枝 雲苓塊 川芎 當歸 川椒炭 生姜

又 太陽少陽兩感。衝氣上動如奔豚。與苓桂重伐腎邪。今日一齊俱解。脈靜身涼。衝氣寂然。可喜之至。微有痰飲咳嗽。當與和胃令能食。

雲苓塊 桂枝 生姜 姜半夏 廣皮 大棗 焦白芍

太陽中風汗多。誤與收澇。引入少陽。寒熱往來。口苦脈弦。與小柴胡湯和法。其人向有痰飲喘症。加枳實橘皮去人參。

柴胡 姜半夏 生姜 廣皮 小枳實 大棗 炙甘草 黃芩炭

中風

左肢拘攣。舌厚而蹇不能言。上有白苔。滴水不能下咽。飲水則噎。此中風挾痰之實症。前醫誤與膩藥補陰。故隧道俱塞。先與開肺。

生石膏 杏仁 鮮桑枝 雲苓塊 防己 白通草 姜半夏 廣皮 養三杯分三次服
中風。神呆不語。前能語時。自云頭暈。左肢麻。口大歪。不食。六脈弦數。此痺
中也。與柔肝法。

細生地 白芍 左牡蠣 生鱉甲 麥冬 炙甘草

■ 厥 症

肝陽上竄。因怒即發。十餘年矣。經云。久病在絡。豈經藥可效。再肝厥之症。
亦有寒熱之不同。此證脈沈而弦細。其爲寒也無疑。大凡寒厥必死。今不死者。
以其爲腑厥而非臟厥也。現脇下有塊有聲。經色紫黑。議先用溫通絡脈法。

新絳紗 半夏 降香末 川椒 旋覆花 生香附 桂枝尖 歸鬚 桃仁炭

除夕日亥時。先是產後受寒。痺痛。醫用桂附等極燥之品。服之大效。醫見
其效也。以爲此人非此不可。用之一年有餘。不知溫燥與溫養不同。可以治病。
不可以養生。以致少陰精液被劫無餘。厥陰頭痛。單巔頂一點痛不可忍。畏明。

至於窗間有豆大微光。卽大叫。必室如漆黑。而後少安。一日厥去四五次。脈極細數。按之無力。危急已極。勉與定風珠。潛陽育陰。以熄肝風。

大生地 麻仁 生白芍 生龜板 麥冬 生阿膠 生熟中 海參 生牡蠣 雞子黃

初因肝鬱脇痛。繼而肝厥犯胃。醫者不識病名。肝着與絡病治法。無非滋陰補虛。或用涼藥。以致十年之久。不能吃飯。飲粥湯止一口。食炒米粉止一酒杯。稍聞聲響。卽瘛厥。終夜抽搐。二三日方漸平。六脈弦緊而長。經閉二年。周身疼痛。痰飲咳嗽。終年無已時。骨瘦如柴。奄奄一息。此症內犯陽明。故不食。木克脾土。故飲聚。陽明空虛。故無主。聞聲而驚。外犯太陽。故身痛而瘛。本臟自病。故厥。經謂治病必求其本。仍從肝絡論治。

新絳紗 旋覆花 降香末 唐靈金 歸橫鬚 川椒炭 蘇子霜 桂枝 半夏 青皮

脇痛

肝鬱脇痛。病名肝着。亦婦科之常症。無足怪者。奈醫者不識。見其有寒熱

也。誤以爲風寒而用風藥。夫肝主風。同氣相求。以風從風。致風鳴張。肝主筋。致令一身筋脹。肝開竅於目。致令晝夜目不合。不得臥者。七八日。肝主疏泄。肝病則有升無降。失其疏泄之職。故不大便。小溲僅通而短赤特甚。醫者又不識。誤以爲腸胃之病。而以大黃通之。麻仁潤之。故令不食不飢。不便不寐。六脈洪大無倫。身熱。且坐不得臥。時時欲嘔。煩躁欲怒。是兩犯逆也。金匱謂一逆尙引日。再逆促命期。不待智者而知其難愈也。議宣通絡脈法。肝藏血。絡主血故也。必加苦寒泄熱。脈沈洪有力。且膽居肝內。肝病膽亦相隨故也。

新絳紗 蘇子

歸橫嶺

桃仁

旋覆花

降香末

川棟皮

雲連

廣鬱金

又昨日一味通絡。已得大便通利。腹中痛止。但不成寐。今日用胃不和則臥不安。飲以半夏湯。覆杯則寐。法仍兼宣絡。此仲景先師所謂衝脈累及陽明。先治衝脈。後治陽明法也。

新絳紗 半夏 降香末 旋覆花 秫米

又昨日和胃宣絡兼用苦通火府。今日得寐。洩色稍淡。口亦知味。是陽明已有漸和之機矣。惟胸中微痛。背亦掣痛。按肝脈絡胸背則太陽經也。是由厥陰而累及少陽。肝膽爲夫妻也。由少陽而累及太陽。少太爲兄弟也。今日仍用前法。加通太陽絡法。

新絳紗 黃柏 桂枝嫩尖 旋覆花 半夏 川棟子皮 降香末 秫米 古勇黃連

生香附

肝鬱兼受燥金。脇痛二三年之久。與血相搏。發時痛不可忍。嘔吐不食。行經不能按月。色黑且少。漸至經止不行。少腹痛脹。湯藥先宣肝絡。兼之和胃。再以丹藥緩通陰絡。

新絳紗 桃仁 川椒炭 旋覆花 歸鬚 蘇子霜 姜半夏 青皮 廣橘皮

降香末 生姜

病起肝鬱脇痛。痰中帶血。病名肝着。醫者不識絡病因由。與絡病治法。非

見血投涼。卽見血補陰。無怪乎愈治愈窮也。大凡血症之脈。左脈堅搏。治在下焦血分。右脈堅搏。治在上焦氣分。茲左手脈浮取弦。沈取洪大而數。重按卽芤。前曾痰有氣味。現在痰夾瘀滯黑色。脣舌晄白。其爲肝經絡瘀夾痰飲。咳血無疑。勢已憊極。勉與宣絡止血。兼之兩和肝胃以逐痰定咳。

新絳紗 桃仁 廣鬱金 旋覆花 半夏 蘇子霜 降香末 歸鬚 廣皮炭

血家左手脈堅搏。治在下焦血分。此症先因肝絡瘀滯。以致血不歸經。日久不治。由陰經損及陽氣。自汗溺便痿弱。陽虛也。身熱左脈洪數而芤。陰傷也。如是陰陽兩傷之極。而瘀滯仍然未淨。通絡則虛。急補虛又絡滯。兩難措手。不得已。且用新絳一方。緩通其絡。其補藥則用陰陽兩攝法。聊盡人力而已。

遼參 沙蒺藜 牡蠣 茯神 枸杞子 龜板 麥冬 五味子 海參

病起於脇痛瘀血。誤補致壅。久嗽成勞。至骨痿不能起床。仍有瘀滯不化之形。且痰有臭味。卽係肝著成癰。前日脈雖芤大而濇。昨日大見瘀血後。今日

則純然旺矣。豈非瘀血之明徵乎。若一味貪補。斷難再起。兼之宣絡。萬一得甦。妄誕之論。高明酌之。

新絳紗 桃仁泥 歸橫鬚 旋覆花 丹皮炭 廣皮炭 製半夏

癲狂

病由情志而傷。中年下焦精氣不固。上年露痺中之萌。近因情志重傷。又屆相火主令。君火司天。君火客氣內。與本身君相火相應。以致肝風鴟張。初起如狂。醫者仍然攻風劫痰。大用辛溫剛燥。復以苦寒直下。是助賊爲虐也。現在左脈實大堅牢。大非佳兆。勉以紫雪丹定痙瘓肢厥。而泄有餘之客熱。再以定風珠濟不足之真陰。而熄內風之震動。如果病有回機。神色稍清。再議後法。

紫雪丹 大生地 左牡蠣 麥冬 生白芍 真阿膠 麻仁 生鱉甲 炙甘草 蚌水

雞子黃

又左脈仍然牢固。較昨日諸症俱減。舌苔黃黑。尺膚熱。陽明絡現。昨謂不止。本身虛熱。且有客氣加臨。非虛語也。湯藥仍照前方。再以清宮湯化牛黃丸。紫雪丹。二時一次。

連翹心 連心麥冬 元參心 竹葉捲心 蓮子心

又瘕陡肢厥雖止。其狂如故。會厭不利。脈仍牢固數大。按陽並於上則狂。的係陽火有餘。非極苦之藥。直折其上盛之威。其勢未必得減。況小腸火府。非苦不通。火降痰亦因之而降。其會厭庶可得利矣。

洋蘆薈 犀角 元參 龍胆草 麥冬 知母 真雅連 丹皮 白芍 細生地

脈弦數而勁。初因肝鬱。久升無降。以致陽并於上。則狂。心體之虛。以用勝而更虛。心用之強。因體虛而更強。間日舉發。氣伏最深。已難調治。今年又係風木司天。有木火相煽之象。勉與補心體瀉心用兩法。

洋參 大生地 丹參 白芍 生龜板 黃柏 麥冬 蓮子心 山蓮 丹皮

左脈弦勁。經謂單弦飲滯。五日前因觀劇。後做惡夢。遂病狂肢厥。經謂陽並於上則狂。兩陰交盡則厥。靈樞有淫邪發夢一卷。大意以五臟偏勝。非因夢而後病也。前人有諸般怪症。皆屬於痰之論。雖不盡然。然此症現在咳嗽塊痰。左脈單弦。應作痰治。

石菖蒲 半夏 茯神塊 天竺黃 丹皮 白附子

又狂而厥。左脈單弦。咳嗽塊痰。昨議應作痰治。今日左脈漸有和平之象。證現於外者亦效。但形貌怯弱。色白而嫩。肺亦不壯。此症之痰。究因驚起。凡神氣壯者不驚。況驚後惡夢。夢後大汗。其爲陽虛神怯顯然。此症將來必歸大補而後收功。現在不得以攻痰見效。而忘其虛怯。與化痰之中。微加益氣。

半夏 茯神塊 秋小麥 麥冬 石菖蒲 大棗

大狂七年。先因功名不遂而病。本京先醫市醫儒醫已歷不少。既而徽州醫杭州醫蘇州醫湖北醫。所閱之醫不下數十百矣。大概補虛者多。攻實者少。

間而已。時不旋踵而卽發。余初診時。見其蓬首垢面。下面俱赤。衣不遮身。隨著隨毀。門牕粉碎。隨釘隨拆。錄靠手足。外有鐵索錮鎖。大石磨盤上。言語之亂。形體之羸。更不待言。細詢其情。每日非見婦人不可。婦人不願見。彼竟鬧不可言。叫號聲嘶。哀鳴令人不忍聞。只得令伊姬妾強侍之。然後少安。次日仍然無一日之空。診其脈六部弦長而勁。余曰。此實症。非虛症也。於是用極苦以瀉心。膽二經之火。瀉心者。必瀉小腸。病在臟。治其腑也。膽無出路。借小腸以爲出路。亦必瀉小腸也。

龍膽草 天冬 細生地 胡黃連 麥冬 粉丹皮

陽并於上則狂。先以極苦折其上盛之威。左脈洪大。膽無出路。瀉膽者。必瀉小腸。心主言。多言者必瀉心。瀉心者亦必瀉小腸。小腸火腑。非苦不通。

龍膽草 天冬 生牡蠣 洋蘆薈 麥冬 胡黃連 細生地 丹皮 鐵落水

虛勞

勞傷急怒吐血二者皆治肝絡。醫者不識見血投涼以致胃口爲苦寒傷殘。脾陽腎陽亦爲苦寒滑潤伐其生發健運之常。此腹痛晨泄不食脈沉弦細之所由來也。按三焦俱損先建中焦補土可以生金腎關之虛亦可仰賴於胃關矣。

茯苓塊 人參 蓮子 白扁豆 芡實 冰糖 廣皮炭

每日五更胃痛欲食得食少安胃痛則背冷如冰六脈弦細陽微是太陽之陽虛累及陽明之陽虛陽明之陽虛現症則太陽之陽更覺其虛此等陽虛只宜通補不宜守補。

桂枝 廣皮 川椒炭 半夏 乾姜

六脈弦細而緊吐血遺精陽氣不攝胃口不開法當與建中復其陽奈酒客中焦濕熱壅聚不可與甘改用辛淡微甘以和胃胃旺得食而後諸虛可復也。

雲苓塊 麥冬 白芍 生苡仁 神麴 桂枝 廣皮炭 姜汁

六脈弦細而緊。臟氣之沉寒可知。食難用飽。稍飽則臍脹。食何物則噯何氣。間有胃痛時。皆腑陽之衰也。陽虛損症。與通補臟腑之陽法。大抵勞病。勞陽者十之八九。勞陰者十不二三。不然。經何云。勞者溫之。世人僉以六味八味治虛損。人命其何堪哉。

雲茯苓 半夏 公丁香 白蔻仁 良姜 小枳實 益母仁 生姜 廣皮炭 川椒炭

吐血

大凡吐血。左脈堅搏。治在下焦血分。右脈堅搏。治在上焦血分。又有心血肝血大小腸血胃血衝脈血各種不同。豈一概見血投涼所可治哉。無怪室女童男。勞瘵乾血之多。皆世無明眼醫士識病故也。此症左脈沉大有力。類緊不甚數。體厚色白。少腹痛。小便短赤。咳吐瘀紫。繼見鮮色。喉中鹹。此衝脈襲受寒

邪致經不得行。倒逆而吐耳。大忌柔潤寒涼。議溫鎮衝脈。行至陰之瘀濁。使經得行而血症愈矣。苦辛通法。

川棟子 降香 兩頭尖 小茴香 桃仁 琥珀屑 紫石英 歸鬚 韭白汁

血家脇痛不食。與和肝絡養胃陰兩法俱效。仍咳嗽兼胸中隱痛。動則喘氣虛。金匱謂諸虛不足。與小建中復其陽。和營衛。令能食。從食中復其虛。診脈弦爲減。正合其論。但脈數而痰濃。陰亦大虧。議復脈法。兩補陰陽。方中亦包建中法在內。仍然甘能益氣而補土生金也。但肆中阿膠不佳。又兼滑膩。且大便秘。以牡蠣易之。

沙參 大生地 麻仁 麥冬 左牡蠣 大棗 白芍 炙甘草 姜汁 桂枝

血後咳嗽氣虛。用復脈法。甘緩理中。補土生金之義。飲食漸加。是其大效。如果胃土旺。無不生金之理。如果飲食加。無不可復之虛勞。因前法而進之。

洋參 大生地 麻仁 桂枝 杭白芍 芡實 麥冬 炙甘草 蓮子 牡蠣 生薑汁

大棗 紫甲

本有肝鬱脇痛症。又受秋涼燥金之氣。不唯腹痛大發。且有表症。午後身熱。雖見血。仍燥氣非濕溫也。治在肝經與絡也。

桂枝尖 柴胡 淡吳萸 姜半夏 歸鬚 蘇子霜 降香末 廣皮 川椒炭

肝鬱脇痛。乃肝絡中有瘀血方痛。古人僉用新絳旋覆花湯。橫走絡者也。後人多用逍遙散。豎走經者也。故多不見效。況久病必治絡乎。

新絳紗 桃仁 廣鬱金 旋覆花 歸鬚 蘇子霜 姜半夏 香附 廣皮炭 降香末

咳嗽胸滿。喘氣自汗。夜甚。大便燥。六脈俱弦而微短。雖嗽甚見血的。係痰飲。而非虛勞。法宜溫通陽氣。和胃逐飲。忌生冷猪肉介屬鹹味。

雲苓塊 桂枝 焦白芍 姜半夏 杏仁 五味子 炒枳實 廣皮 乾姜炭 麻黃根

甘草

六脈弦細而沈。吐血久而不止。久病當於絡中求之。且先吐紅血。後吐黑

紫絡中顯有瘀滯。金匱謂凡病至其年月日時復發者當下之。此下字須活看。謂按去病根則不再發矣。金匱又謂脈雙弦者寒也。此證斷不可用陰柔呆膩之品。致永無愈期。議先與溫通絡脈。拔去病根。繼以建中收功。

新絳紗 桂枝 姜半夏 旋覆花 歸鬚 橘皮炭 茯苓塊 乾姜

□ 衄血

衄血。右脈洪大。誤用大劑當歸。以致大衄不止。無論辛走行氣之藥不可用。卽涼血和血而不走清道者。亦不見效。議清清道之熱。

側柏炭 連翹 銀花炭 黑山梔 桑葉 白茅根 凌霄花

前日衄血不止。六脈俱弦而細。氣血暴虛也。似當補陽。而未敢驟補。與一甲復脈湯四帖。今日六脈俱大而滑。氣血暴復也。仍與翕攝真陰與三甲復脈湯法。

大生地 白芍 生牡蠣 生鱉甲 麥冬 生阿膠 生龜板 麻仁 炙甘草

便血

糞後便血。責之小腸寒濕。不與糞前爲大腸熱濕同科。舉世業醫者不知有此。無怪乎數年不愈也。用古法黃土湯。

竈中黃土 生地 黃芩 製蒼朮 阿膠 甘草 熟附子 白芍 全歸

又糞後便血。寒濕爲病。誤補誤涼。胃口傷殘。氣從溺管而出。若女子陰吹之屬。瘕氣皆然。左脇肝部。臥不着席。得油膩則寒戰。叢雜無倫。幾於無處下手。議治病必求其本。仍從寒濕論治。令能安食。再商。與黃土湯中去柔藥加剛藥。

竈中黃土 雲苓 川椒炭 茅山蒼朮 附子 香附 生益智仁 廣皮 生姜

肝鬱挾痰飲。寒濕爲病。前與黃土湯。治糞後便血之寒濕。茲便紅已止。繼與通補胃陽。現在飲食大進。諸症漸安。惟六脈弦細。右手有胃氣。左手弦緊。痰多畏寒。脇下仍有伏飲。與通補胃陽。兼逐痰飲。

姜半夏 桂枝 川椒炭 雲茯苓 白芍 乾姜 旋覆花 香附 廣皮 小枳實

六脈俱弦。右脈更緊。糞後便紅。小腸寒濕。黃土湯爲主。方議黃土湯去柔藥。加滲濕通陽。雖自覺心中熱。背心如水澆。所謂自云熱者非熱也。況有惡寒乎。

竈中黃土 桂枝 黃芩炭 附子 廣皮 生苡仁 廣皮炭

腫脹

太陰所致。發爲臌脹者。脾主散津。脾病不能散津。土曰敦阜。斯臌脹矣。厥陰所至。發爲臌脹者。肝主疏泄。肝病不能疏泄。木穿土位。亦臌脹矣。此症起於肝經鬱勃。從頭面腫起。腹固脹大。的係蠱脹。而非水腫。何以知之。滿腹青筋暴起如蟲紋。並非本身節骨之筋。故知之。治法以行太陽之陽。泄厥陰之陰爲要。醫者誤用八味丸。反攝少陰之陰。又重加牡蠣。潛陰戀陽。使陽不得行。而陰凝日甚。六脈沈弦而細。耳無所聞。目無所見。口中血塊。累累續出。經所謂血脈凝泣者是也。勢太危急。不敢驟然用藥。思至陽而極靈者。莫如龍。非龍不足以行。

水而開介屬之翕。惟鯉魚三十六鱗。能化龍。孫真人曾用之矣。但孫真人千金原方。去鱗甲。用醋煮。茲改用活鯉魚。大者一尾。得六斤。不去鱗甲。不破肚。加葱一斤。水煮熟透。加醋一斤。任服之。

鯉魚

經謂病始於下而盛於上者。先治其下。後治其上。病始於上而盛於下者。先治其上。後治其下。此症始於上腫。當發其汗。與金匱麻黃附子甘草湯。

麻黃 熟附子 炙甘草

嬌居三十餘年。體厚。憂鬱太多。肝經鬱勃久矣。又因暴怒重憂。致成厥陰太陰兩脈脹。並發水不得行。腫從跗起。先與腰以下腫。當利小便。例之五苓散法。但陰氣太重。六脈沈細如絲。斷非輕劑所能了。

桂枝 茯苓皮 肉桂 豬苓 生蒼朮 廣皮 澤瀉 老厚朴

春夏間乘舟由南而北。途間溫毒愈後。感受風濕。內脹外腫。又因寡居肝

鬱之故。時當季夏。左手心勞宮穴。忽起勞宮毒如桃大。此症有治熱碍濕治濕碍熱之弊。選用幼科痘後餘毒歸肺喘促咳逆之實脾利水法。加極苦合爲苦淡法。脾熱毒由小腸下入膀胱。隨濕氣火齊泄出也。蓋勞宮毒屬心火。瀉心者必瀉小腸。小腸火腑。非苦不通。腰以下腫當利小便。利小便者亦用苦淡也。

飛滑石 茯苓皮 黃柏 豬苓 晚蠶沙 黃芩 澤瀉 白通草 雅連

病起肝鬱。木鬱則克土。克陽土則不寐。克陰土則瞋脹。自鬱則脇痛。肝主疏泄。肝病則不能疏泄。故二便亦不能宣通。肝主血。絡亦主血。故治肝者必治絡。

新絳紗 香附 蘇子霜 旋覆花 歸鬚 小茴香 姜半夏 青皮 廣鬱金 降香末

痢疾

滯下白積。欲便先痛。便後痛減。責之積重。脈遲而痛甚。蓋冷積也。非溫下不可。

生大黃 厚朴 廣木香 南查炭 良姜炭 黃芩炭 廣皮 熟附子 檳榔 小枳實

焦白芍

滯下紅積。欲便先痛。便後痛減。積滯太重。非溫下不爲功。恐纏綿日久。幼孩力不能勝。滯下爲臍病也。

生大黃 黃芩 真川連 安邊桂 紅麴 檳榔 焦白芍 歸尾 廣木香

陳積已去。餘邪未淨。右脈未靜。目白睛仍黃。故知氣分不清。議進苦辛淡法。宣導脈氣。使餘邪由膀胱化氣而出。兼與開胃。令能納穀。

雲苓皮 豬苓 廣木香 姜半夏 澤瀉 杏仁泥 炒白芍 厚朴 炒廣皮 炒黃芩

川連

邪著裏不易外達。雖經下。氣機究未宣暢。肛門墜滯。蓋由受邪之際。漸而深。故其化也亦緩。而滯非苦無能勝。濕非辛無能通。利邪氣。仍用前法。重與行氣。

炒銀花 澤瀉 炒黃芩 廣木香 茵陳 歸橫鬚 小枳實 赤芍 細甘草梢 檳榔尖

川連 烏梅肉

夜半肛門痛甚。陰分邪氣久羈。今日漸覺畏寒。陽明久不納穀。胃氣不冲之故。未可純任苦寒。今擬暫用白頭翁湯法加溫藥。仍是苦辛複法。此權宜之計也。

白頭翁 秦皮 廣木香 姜半夏 歸鬚 丹皮炭 川連 廣橘皮 防風根 上肉桂

又 凡病日輕夜重者。皆屬陰邪。昨藥之偏於溫者。以此。今日肛門痛減者。亦坐此。茲邪去大半。少寐不飢。正須商進疏補脾胃。勝濕仍不可少。蓋胃和則神安矣。脾治則痢減矣。

焦白芍 於朮 白頭翁 黃芩炭 肉桂 廣木香 姜半夏 川連 蒼朮炭 雲苓塊

廣皮 烏梅肉 高麗參

滯下已久。六脈洪大。有陽無陰。前與重收陰氣。而去積滯。即在收陰之中。

以故脈見小而滯下少。現在兩關獨浮。有木陷入土之象。切忌惱怒助肝。克脾傷胃。又忌生冷猪肉。滑大便而助濕邪。今日用藥大意。仍不能驟離前法。加入土中拔木。兼補宗氣。

高麗參 白芍 廣木香 黃芩 南查炭 雲茯塊 焦於朮 歸鬚 五味子 肉果霜

紅麴 烏梅肉

七旬以外之老人。滯下紅白積業已一月有餘。六脈洪大弦數而且歇止。乃痢疾之大忌。舌苔老黃。積滯未清。腹痛當臍。醫者一味收補。置積滯於不問。邪無出路。焉得成功。勢已重大之極。勉與化滯兼與溫通下焦。

姜半夏 白芍 焦神麴 杏仁泥 黃芩 真川連 廣木香 檳榔 廣皮炭 川椒炭

歸鬚 烏梅肉 公丁香 紅麴

休息痢。本係不治之症。爲其久久累贅。氣血虛盡矣。此症且喜年輕形壯。而又欲便先痛。便後痛減。陳積不行。尙可借手於一下。所謂網開一面也。金匱

謂凡病至其年月日時復發者當下之。

生大黃 歸鬚 降香末 上安桂 檳榔 廣木香 炒白芍 真川連 炒黃芩 廣皮

烏梅肉 紅麴

腸滯身熱。本所大忌。又加溫疹。難就一邊。現在斑疹已過四日。未有漸化之機。但身壯熱如火。譫語煩躁。起臥不安。滯下紅積。後重太甚。欲便先痛。便後痛減。責之積重。不得不借手於一下。所以網開一面也。

黃芩 生大黃 紅麴 白芍 安邊桂 歸鬚 廣木香 廣皮 川連 烏梅肉

又滯下紅積。狂熱譫語後重。欲便先痛。前日與溫下法。茲大熱與譫語均退。惟後重未除。滯下未清。腰痠特甚。雖仍腹痛。且暫停下藥。俟二日後細察病情再商。

炒黃芩 桂枝 廣木香 炒白芍 神麴 廣皮炭 檳榔尖 川連 烏梅肉 川椒炭

紅麴

□ 積聚

臍右有積氣。以故右脈沈伏弦細。陽微之極。濁陰太盛克之也。溯其初。原從左脇注痛而起。其爲肝着之咳無疑。此症不必治咳。但宣通肝之陰絡。久病在絡故也。使濁陰得有出路。病可自己。所謂治病必求其本者是也。若不識綱領而妄冀速愈。必致剝削陽氣殆盡而亡。

旋覆花 烏藥 川棟子 桂枝尖 青皮 小茴香 降香末 歸鬚 蘇子霜 桃仁泥

廣皮

六脈弦緊。心下伏梁。非易化之症。一生憂泣。肝之鬱也可知。又當燥金太乙天符之年。金來克木。痛愈甚矣。與溫絡法。其吐血亦絡中寒也。

降香末 半夏 小枳實 川椒炭 廣皮 歸橫鬚 公丁香

□ 淋濁

小便淋濁。莖管痛不可忍。自用五苓八正輩。解分清飲等淡滲。愈利愈痛。

細詢病情。由房事不遂而成。余曰。溺管與精管異途。此症當通精管爲是用虎杖散。

杜牛膝 丹皮 歸橫鬚 降香末 琥珀 兩頭尖 桃仁泥 麝香

血淋太多。先與導赤不應。繼以脈弦。細詢由怒而起。轉方與活肝絡。

新絳紗 歸鬚 片姜黃 旋覆花 香附 蘇子霜 降香末 鬱金 丹皮炭 桃仁泥

紅花

痰飲痺症淋濁。皆寒濕爲病。誤與補陰。以致濕邪膠痼沈着。急難清楚。前與開痺和胃。現雖見效不少。究係濕爲陰柔之邪。久爲呆補所困。難以旦晚奏功也。

飛滑石 桂枝 生苡仁 姜半夏 豬苓 小枳實 雲苓皮 澤瀉 晚蠶沙 川草薢

廣皮 車前子

血淋多年不愈。起於驚閃。現在痛甚。有妨於溺。溺則痛更甚。且有紫血條。

顯係瘀血之故。法當宣絡。再久病在絡。又定痛亦須絡藥。蓋定痛之藥。無不走絡。走絡之藥。無不定痛。但有大絡別絡腑絡臟絡之分。此症治在陰絡。左脈沈弦而細。所謂沈弦內痛是也。

杜牛膝 桃仁 歸橫蠶 降香末 琥珀 兩頭尖 丹皮炭 口麝

■ 泄 瀉

前曾木泄。與小柴胡湯。十三帖而愈。向有糞後便血。乃小腸寒濕之症。現在脈雖弦而不勁。且兼緩象。大便復溏。不必用柴胡法矣。轉用黃土湯法。

竈心土 雲苓塊 熟附子 炒蒼朮 黃芩炭 廣皮炭

六脈弦細。面色淡黃。泄則脾虛。食少則胃虛。中焦不能建立。安望行經。議先與強土。

雲苓塊 半夏 藿香梗 益智仁 苡仁 白蔻仁 廣木香 蘇梗 廣皮炭